



Cornelius Ambsterodami apud Belgas natus, & in omni genere literarum optimè institutus fuit. Is cum linguarum & artium fundamenta feliciter iecisset, sese Coloniam contulit, & in ea Academia Græcæ & Latine linguæ, atq; in primis arti Poëticæ magna diligentia incubuit. Vnde etiam factum quod meritò doctissimis uiris adnumeratus, & Erasmo Roterodamo familiaris fuerit. Transtulit Cornelius aliquid ex Theodori Gaza Grammatica, atq; iuuentuti ediscenda proposuit. Extat quoq; eiusdem comœdia sacra, cui titulum Ioseph fecerat: præterea alia, quam Ecclesiam inscripsit. tandem etiam farraginem sordidorū uer-

borum collegit, quæ unâ cum Erasmi Paraphrasi in elegantias Vallæ postea anno 1531 Friburgi fuit ædita. Cum hoc modo Cornelius bonis studijs iuandis apud omnes magnam existimationem sibi comparasset, tandem obiit, atq; apud suos magno luctu honorificè terræ mandatus fuit.

Con. Gess. in Biblioth.